

**PRIMA SESSIONE STRASURDINARIA DI U 2019**  
1ère session extraordinaire de 2019  
**31 DI GHJENNAGHJU È 1mu DI FERRAGHJU**  
31 janvier et 1er février  
**2019/E1/007**

MOTION AVEC DEMANDE  
D'EXAMEN PRIORITAIRE

## Motion déposée par le groupe Corsica Libera

Objet : riforma di u basciigliè

**VISTU** u decretu Nu 2018-614 di u 16 di lugliu di u 2018 mudifichendu e dispusizione di u codice di l'educazione chì toccanu à l'insignamenti chì portanu à u basciigliè generale è à e furmazione tecnulogiche chì portanu à u basciigliè tecnulogicu,

**VISTA** a deliberazione Nu 18/415 di l'Assemblea di Corsica di u 26 d'ottobre di u 2018 dumandendu chì a lingua corsa fussi pruposta cum'è insegnamentu di specialità in ogni liceu generale di l'isula in u dispusitivu novu di a riforma,

**CUNSIDERENDU** a risposta di a rettrice di l'Academia di Corsica in u cutidianu Corse-Matin di u setti di ghjinnaghju di u 2019,

**CUNSIDERENDU** dunqua chì a dumanda di l'Assemblea di Corsica hè stata presa in contu,

**CUNSIDERENDU** chì per avà e lingue dette regiunale sò integrate in una specialità « lingue, litterature è culture strangere è regiunale,

**CUNSIDERENDU** chì e lingue anziane anu una specialità specifica « lingue è culture di l'antichità »,

### L'ASSEMBLEA DI CORSICA

**DUMANDA** chì a specialità di lingua detta regiunale sia specifica, spiccata da a specialità di lingua strangera, da dà li un cuefficiente attrattivu d'almenu 10% di a nota finale.

**DUMANDA** à u consiglieru esecutivu in carica di a lingua corsa è à a cummissione ad hoc in carica di a lingua corsa d'inizià tuttu ciò chì hà da parmette di sbuccanni nantu à sta quistione à u più prestu da chì sta riforma possi permette d'accimà l'ugettivi di u Pianu Lingua 2020, quelli di a convenzione CDC-Statu è di sviluppà l'insegnamentu bislinguu à u collegiu è à u liceu.

**MANDA** una delegazione di l'Assemblea di Corsica è di u Cunsigliu esecutivu per negozià a riforma di u basciigliè direttamente cù u Ministru di l'educazione nazionale è di a ghjuventù.